

դըմբոցը սպանում է իրերի ուրիշը, կլանում աստղերի պտոյտը նախատեսող զգացումը, մարդկային էությունը իրի վերածում եւ անանձնացնում

Քաղաքը տիրում է գիւղերի վրայ: Արհեստական մի կեանք տանիքների վրայ դալարում է պողպատէ իր թեւերը: Երկաթը կըրծըրտում է եւ լծակները ակոսայ են սեղմում: Գործարանները արագացնում են արտադրությունը եւ մարդիկ մեքենաների մաս են դառնում: Տալլորեան դրուժեամբ բոլոր ժեստերը հաշուած են, եւ կամքերը մեքենացրած: Արտադրութեան ետեւից վազող այդ կոյր թափը, բնութեան վրայ գործ ածուած այդ ահաւոր բնութիւնը պատմութեան մէջ չտեսնուած մի գերութիւն է ստեղծել: Աստուած սոսկումով հեռանում է աշխարհից եւ ժողովուրդները, մահուան դէմ ամենօրեայ պայքար մղելով, խենթանում են միայնութեան անդնդի եզերքին ու իրենց կտոր կտոր մասերը քարշ տալիս՝ չափազանցուած, ջլալին եւ անմիտ գործունէութեան կրկէսի մէջ:

Արուեստը քայլ առ քայլ հետեւում է մարդկութեան խօլական այդ թափին: Անհունը ու նրա թաքնուած երաժշտութիւնը լսելու կարողութիւնը կորած է: Սկզբնատիպ կշռոյթը, որը տալի եւ գոյնի լաւագոյն մթնոլորտն էր կազմում եւ իմաստը, արտաքին հնչականութեան տակ այլեւս ոչ ոքի համար լսելի չէ: Բանաստեղծութիւնը գործարանի հսկայ ծրխնելոյլի վրայ վայր ընկած սաւառնակի է նրմանում: Նկարչութիւնը, ենթարկուելով դարի բնազդին, տարբադադրում է իրերը եւ բնութիւնը: Երաժշտութիւնը ձայների քիմիական վերլուծման մէջ նոր ներդաշնակութիւններ է փնտռում եւ ստեղծագործական իր բնոյթից անցնում է նմանողականի:

Անստոյգ ներկան խուսափում է, եւ ամէն արուեստագէտ երազում է ասպագայի մասին:

Կրօնքը օրէ օր այլափոխւում է:

Պորճրդանշանական իր բնոյթը դարձել է պրագմատիկ: Կրօնքը ի սպաս է դնում երկինքը ընկերութեան եւ նրա տնտեսական կազմակերպութիւններին: Պոնարճ եւ ծառայելու պատրաստ, նա կառոււմ է պետութիւնների քաղաքական նպատակներին, որպէսզի կարո-

ղանայ իր գոյութիւնը պաշտպանել: Արդի աստուածարանութիւնը ուզում է հաշտուել տիրող գիտութեան հետ, ուրանում է իր անցեալը, հաշիւ է անում, ապացուցում է, եւ Ծօրտին աջակցում է ինքնաշարժեր շինելու:

Բողոքականութիւնը Աւետարանի մէջ տրնտեսական գործողութիւնների բարոյական է փնտռում: Վաճառականութեան իմաստը վերլուծելով դիւրին կերպով հարստանալու ձեւն է սորվեցնում: Աստուածային գիտութիւնը, գործնական հոգեբանութեան աշխատանոցների մէջ, քննում է, դնում, ու, ամբրիկեան, ախպէս ասուած, սլօշտարիստ փիլիսոփայութեան մատչելի կարգապահութեան վերածում: Հրեշտակների թեւերը չափում են եւ երկնքի ստուերներում քիմիական բաղադրութիւններ են որոնում:

Պապը, կայսերապաշտական իր դահի վըրայից, Ս. Թոմասի փիլիսոփայութիւնը յայտարարում է միակ ճշմարիտը ու արեւելեան քրիստոնէութիւնը հլու ծառան է դարձնում արեւմտեան ցեղային եւ գոռոզ պետական մտքի:

Աստուածաշունչը շարժական պատկերների հոյակապ նիւթ է դառնում, եւ Կարմիր ծովի անցքը հրեայ բեմալարների երեւակայութիւնն է գրգռում:

Աւետարանը այլեւս մատերը այրող հսկայ այն զիրքը չէ, որ հոգիները լուսաւորում էր եւ անհունը բուրվատում, այլ գրական յաջողութիւն ձեռք բերելու մի նիւթ, որի շուրջը Պապինին կարող է մարդել իր ստեղծագործական թափը:

Կեանքի միութիւնը հեռաւոր յիշատակ է եւ լուսագոյն պարագային նախազգացում: Ամէն ինչ մասնազիտուած է, դասաւորուած, դատուած եւ փոքրացած: Աստղերի վրայ ճերմակ թղթեր են կպցրել եւ թիւեր դրել: Անհունը պատուել է:

Չզացումները արտայայտում են մարմնի մէկ մասով, եւ հոգին ծիւրացել է, որովհետեւ մնում է անշարժ:

* * *

Արդի դրամատիրական պատակարգը, կասկած չկայ, կարողացել է հիանալիօրէն քաղաքակրթութիւնը իր դադաթնակէտին